

Vnanimis primi-
tiuæ Ecclesiæ cōsensus, de non
scrutando diuinæ genera-
tionis Filij Dei
modo,

CONFUTATIO CONTRA-
RII COMMENTI.

Adiecta est,

ALBINI, siue ALCVINI, Caroli
Magni præceptoris Confessio aut
doctrina de Deo, cōpendiò
exposita.

Basileæ, Anno 1560.

INDEX TESTIMONIORVM.

D. Irenæus.	1
Cyprianus.	2
D. Augustinus. 7. test. recitat. 3. 4. 5. 6. 7. 8. 9	
D. Gregorius.	10
Hilarius.	11
D. Basilus.	12
Chrysostomus, bis.	13. 14
D. Ambrosius de fide.	15
Cyrillus, ter.	16. 17. 18
D. Hieronymus, bis.	19. 20
Lactantius.	21
Venantius.	22
D. Bernhardus.	23
Eusebius.	24
Ephrem, bis.	25. 26
Athanasius.	27
Damascenus.	28
Gregorius papa.	29
Maximus Taurinensis episc. bis.	30. 31
Marius Victorinus.	32
Leo primus.	33
Lutherus, quater.	34. 35. 36. 37

Contrariæ sententiæ Index.

1. Recitant Basilium.
2. Nazianzenum.
3. Augustinum.
4. Illyricus suam ponit sententiam contra philosophorum sapientiam.

M. FLAC. ILLYRICVS CHRI-
stiano lectori, ab unico
Seruatore s.

Non tantum negligentia, sed & curiositas
atq; audacia in scrutandis rebus diuinis,
quæ à Deo patefactæ nō sunt, aut quate-
nus non sunt patefactæ, impia ac perniciosa est.
Nostri sanè primi parētes eam habuēre unicam
ruinæ suæ pariter ac nostræ occasionē, quod nō
cōtenti illis præclarissimis donis, ac cognitione,
qua ad instar quasi Dei formati et ornati fuerūt:
uoluerūt insuper habere eandem notitiam boni
ac mali, quam ipsemet Creator habet, atque ita
Deo ipsi penitus similes esse. Eadem impia cu-
riositas cum omnibus alijs temporibus, tum etiā
proximis seculis Theologiam corrumpit, dum
Sententiarij & Sarbonistæ nihil non scrutantur,
rimantur & argutantur, sine omni mandato ac
lucerna uerbi Dei.

Quare cum ista prophana audacia nunc de-
nuò Ecclesiam inuadat, bonasq; mentes à rebus
utilibus ac necessarijs, ad obscuras ac inexplica-
biles in summis articulis abripiat: uolui aliquot
patrum testimonia colligere, quibus grauissimè
omnes à tali diuina Maiestatis scrutatione abster-
rerentur. Quod meum pium studiū, ut omnes bo-
ni consulāt, ac in meliorē partem accipiāt, aman-
ter oro. Vale in Domino. Ienæ, cal. Decemb.

TESTIMONIA

VETERIS ECCLESIAE DE
non scrutanda generatione Filij Dei.

1



Iuus Irenæus lib. 2. cap. 47. de
Valentini ac Basilidis hæresi,
circa diuinam filij Dei genera-
tionē, qui dicebāt eum Ennæa
& Euthymesi, id est cogitatio-
ne genitum, differens, inter alia sic inquit:

Hæc autem cæcitas & stultiloquium in-
de prouenit uobis, quòd nihil Deo refer-
uetis: sed & ipsius Dei, & Ennæa, id est co-
gitationis eius & Verbi & uitæ & Christi
natiuitates & prolationes annunciare uul-
tis: & has non aliunde accipientes. Sed ex
affectione hominū: & non intelligitis, quia
in homine quidem, qui est cōpositum ani-
mal, capit huiusmodi dicere, sicut prædixi-
mus, sensum hominis & Ennæan homi-
nis. Et quia ex sensu Ennæa: de Ennæa au-
tem Euthymesi, id est cogitatio: de Euthy-
mesi autem λόγος. Deus autem cū sit to-
tus meus, totus ratio, & totus Spiritus ope-
rans, & totus lux, & semper idem & simili-
ter existens, sicut & utile est nobis sapere de
Deo, & sicut ex Scripturis discimus, non
iam huiusmodi affectus & diuisiones decē-
ter erga eum subsequuntur. Porro sic eum
errorem

PRIMITIVÆ ECCLESIAE. 5

errorē mox in sequenti capite simul refutat
& uituperat. Deus aut̃ totus existēs mens,
& totus existens λόγος, quod cogitat, hoc
& loquitur: & quod loquitur, hoc & cogi-
tat. Cogitatio enim eius λόγος, & λόγος mēs,
& omnia concludens mens, ipse est pater.
Qui ergo dicit mentem Dei, & prolationē
propriam menti donat, compositum eum
pronunciat tanquam aliud quiddam sit
Deus, aliud autem principalis mens exi-
stens. Similiter autem rursus & de λόγος, ter-
tiam prolationem ei à patre donans, unde
& ignorat magnitudinē eius. Porro & λό-
γος λόγος à Deo separauit. Et Prop̃hera qui-
dem ait de eo: Generationē eius quis enar-
rauit: Vos autem generationem eius ex pa-
tre diuinantes, & uerbi hominis per lin-
guam factam prolationem transferentes
in uerbū Dei, iustē deregimini à uobis ipsis,
quod neq; humana, neq; diuina noueritis.

Irrationabiliter autem inflati, audacter
inenarrabilia Dei mysteria scire uos dici-
tis. Quādoquidem & Dominus ipse filius
Dei, ipsum iudiciū diem & horam concessit
scire solum patrem, manifestē dicēs: De die
aut̃ illa & hora, nemo fit: neq; Filius, nisi Pa-
ter solus. Si gitur sciētiā dici illius filius nō
erubuit referre ad Patrē, sed dixit quod ue-
rum est: neq; nos erubescimus, quæ sunt in
quæstionibus maiora secundum nos, refer-

6 VNANIMIS CONSENSVS

uare Deo. Nemo enim super magistrum est. Si quis itaq; uobis dixerit, quomodo ergo filius prolatus à Patre est: dicimus ei, quia prolationem istam, siue generationē, siue nuncupationem, siue adaptionem, aut quomodolibet quis nomine uocauerit, Generationem eius inenarrabilem existentem nemo nouit: non Valentinus, non Marcion, neq; Saturninus, neq; Basilides, neq; angeli, neq; archangeli, neq; principes, neque potestates, nisi solus qui generauit Pater, & qui natus est filius. Inenarrabilis itaq; generatio eius cū sit, quicunq; nituntur generationes & prolationes enarrare, non sunt compotes sui, ea quæ inenarrabilia sunt enarrare promittētes. Quoniam enim ex cogitatione & sensu uerbum emittitur, hoc utiq; omnes sciunt homines.

Non ergo magnum quid inueniunt, qui emissiones excogitauerunt: neq; absconditum mysterium, si id quod ab omnibus intelligitur, transtulerunt in unigenitū Dei uerbum, & quem inenarrabilē & innominabilē uocant, hunc quasi ipsum obstetrica uerint primi. & narrationib. eius prolationem & generationē enunciant, adsimilantes eum hominum uerbo emissionis, &c.

Hanc Irenæi refutationem etiam Epiphanius lib. 2. probat & commendat: ut manifestum sit, ipsum quoq; idem sensisse.

PRIMITIVÆ ECCLESIAE. 7

2
Ex Cypriani expositione symboli
Apostolorum.

Quomodo sanè Deus Pater genuerit Fi-
lium, nolo discutias, nec te curiosius
inferas in profundi huius arcanū: ne fortè,
dū inaccessæ lucis fulgorē pertinacius per-
scrutaris, exiguū ipsum, qui mortalibus di-
uino munere concessus est, perdas aspectū.
Aut si putas in hoc omni genere nitēdum,
prius tibi propone quæ nostra sunt: quæ si
consequēter uolueris expedire, tunc à ter-
restribus ad cœlestia, & à uisibilibus ad in-
uisibilia præpara te. Expedi primò, si po-
tes, & explana, quomodo mens, quæ intra
te est, generet uerbum: & quis sit in ea me-
morix Spiritus: quomodo hæc, cū diuer-
sa sint rebus & actibus, unū tamen sint sub-
stantia uel natura: & cū ē mente procedāt,
nunquam tamen ab ipsa separantur. Sed
hæc quamuis in nobis & in animæ nostræ
substantia habeantur, tamen tanto nobis
occulta uidentur, quanto & aspectu corpo-
reo inuisibilia. De apertionibus requira-
mus. Fons quomodo ex se generet fluuiū?
quo autem spiritu rapidum fertur fluentū?
quod quidem cū unum & inseparabile
sit & fluuius & fons, tamē nec fons fluuius,
nec fluuius fons intelligi aut appellari po-
test. Et tamen qui uiderit fluuium, uideret &

8 VNANIMIS CONSENSVS

fontem. Exerce te prius in horum explanatione, & discute, si potes, quæ habentur in manibus, & tunc ad horum sublimiora ueniamus. Nec putes, quia te statim de terra suadeam ascendere super cælos. Sed prius te, si placet, ad istud firmamentū, quod oculis patet, educam. Et ibi, si potes, naturam huius uisibilis luminis discute. Quomodo ignis iste cælestis generat ex semetipso splendorem lucis? Quomodo etiam producit uaporē? Et cum sint tria in rebus, unum tamen sunt in substantia. Quod etsi hæc singula inuestigare potueris, scito adhuc diuinæ generationis mysterium tanto esse differentius & eminentius, quanto creator creaturis potentior, quanto artifex opere suo præstantior: quanto ille qui semper est, eo qui ex nihilo cæpit esse, nobilior. Credendus est ergo Deus Pater esse unici Filij sui, Domini nostri: non discutiendus. Neque enim fas est seruo de natalibus domini disputare.

3
*Augustinus de consensu Euangelistarum,
lib. 2. cap. 1.*

Matthæus Euāgelista sic orsus est: Liber generationis Iesu Christi, filij Dauid, filij Abraham. Quo exordio suo satis ostendit, generationem Christi secundum carnem se suscepisse enarrandā. Secundum hanc

PRIMITIVÆ ECCLESIAE. 9

hāc enim Christus filius hominīs est: quod etiam sapissimè appellat, commendans vobis, quòd misericorditer dignatus sit esse pro nobis. Nam illa superna & æterna generatio, secundum quam filius Dei unigenitus est ante omnem creaturam, quia omnia per ipsum facta sunt, ita ineffabilis est, ut de illa dictum à Propheta intelligatur: Generationem eius quis enarrabit? Exequitur ergo humanā generationem Christi Matthæus.

4

Idem de vera beatitudine, Epist. 116.

Quomodo, inquis, potuit de solo Patre nasci filius, æqualis ei de quo natus est? Iam hoc enarrare non possum, & cedo Prophetiæ dicenti: Generationē eius quis enarrabit? Quòd si tu de humana generatione, qua per uirginem natus est, accipiendū putas, ipse te discute, & interroga animam tuam, utrū si in humana generatione defecit, audeat enarrare diuinā. Noli ergo, &c.

5

Idem in enarrat. Psal. 118.

Quid est hoc uerbum, quod ita lumen dicitur, ut lucerna sit? Ait enim: Lucerna pedibus meis uerbum tuum, & lumen semitis meis. Nisi uerbū intelligamus, quod factum est ad Prophetas, uel quod prædicatum est per Apostolos: Non uerbum Chri-

A 5

10 VNANIMIS CONSENSVS

stum, sed uerbum Christi, de quo scriptum est: Fides ex auditu, auditus autem per uerbum Christi. Nam & uerbum Propheti- cum lucernæ comparans apostolus Petrus: Habemus, inquit, certiorē propheti- cum sermonem, cui benefacitis intendentes, ue- lur lucernæ lucēti in obscuro loco. Quod itaq; hic ait, Lucerna pedibus meis uerbum tuum, & lumen semitis meis: Verbum est, quod Scripturis sanctis omnibus contine- tur. Idem cap. 14 lib. 13. contra Maximi- num: Distinguere autem inter illam gene- rationem & hāc processionem nescio, non ualeo, non sufficio. Ac per hoc, quia & illa & ista est ineffabilis, sicut Propheta de Filio loquens: ait, Generationem eius quis enar- rabit: ita de Spiritu sancto uerissimē dici- tur, Processionem eius quis enarrabit?

6

Idem, de tempore Serm. 1. de Natiuit.

Longè autem ab illo sumus, in quantum dissimiles sumus. Ascēdit ergo ad eum sua similitudo, quam in nobis fecit & refe- cit, quam nondum perfectē palpitat infi- mus aspectus, & ineffabilem candorem lu- cis æternæ non potest intueri. Cuius ergo fulgorem, mentis acies nondum capit, ge- nationem eius quis enarrabit? Sed uer- bum caro factum est, & habitauit in nobis. Hanc ergo generationem, cuius hodiernū celebra-

PRIMITIVÆ ECCLESIAE. 11

celebramus diem, hanc in qua dignatus est uenire per Israël, & fieri Emmanuel nobiscum Deus in carnis infirmitate, non nobiscū in cordis iniquitate, accedēs ad nos per id quod assumpsit ex nostro, & liberās nos per id quod mansit in suo (uisitauit quippe Dominus seruos suos per moralem infirmitatem) hanc ergo generationem, cuius utcunque capax est humana fragilitas, &c.

7

Item, in natali Domini Serm. 8.

Proinde quod de illo propheta prædixit, Generationem eius quis enarrabit? de qua potius dictum sit, iudicare difficile est. Vtrum de illa, ubi nunquam natus, coæternum habet Patrē: an de ista, ubi aliquādo natus, in qua ut fieret, iam fecerat matrem. utrum de illa, ubi semper natus est, qui semper erat? Quis enim enarrabit, quomodo natum sit lumē de lumine, & unum lumen utrunque sit, quomodo natus sit Deus de Deo, nec deorum numerus creuerit: quomodo uelut de re trāfacta dicatur quod natus est: cū tempus in illa natiuitate nec transierit, quò preterita esset: nec præcesserit, quò futura esset: nec præsens fuerit, quasi adhuc fieret, & perfecta non esset. Hanc ergo generationem quis enarrabit? cū id quod enarrandū est, supra tēpora maneat: sermo autem enarrantis in tēpore trāseat?

Idem.

12 VNANIMIS CONSENSVS

8

Idem, in natali Domini, Serm. 9.

IDeo Filius, quia ~~de Deo~~ genitus est: & semper filius sine initio genitus, & tamē genitus. Et quomodo hoc intelligatur, audite. Expectatis à me: audite Prophetā per me: Generationē eius quis enarrabit? Multa dixerunt de eius generatione, sed ea quę de matre est. Cæterum, quomodo natus est de Patre in cælo, quis potest explicare? quis potest enarrare, uel inuestigare? Teneamus nos ad istam humanam natiuitatem, per quam nobis Deus donauit gratiā.

9

Idem, de tempore, Serm. 10. in uigiliis

Penitentes.

Patrem autem cū audis, agnosce quōd habet filium ueraciter genitum: quomodo possessor dicitur, qui aliquid possidet: & Dominus, qui alicui dominatur. Deus ergo Pater secreti, Sacramenti uocabulum est, cuius uerē filius & Verbum. Nec quæratur, quomodo genuit filium: quod & angeli nesciūt, Prophetis est incognitum. Vnde illud dictum est: Generationem eius quis enarrabit? Nec à nobis discutiendus est Deus, sed credendus. Sed ut breuiter dicamus: Sufficit nobis scire, quia genuit lux splendorem. Omnipotentem uerō ideo dicit, &c.

D. Gregorius

D. Gregorius Nazianzenus de Theologia, lib. 3.

Quomodo ergo genitus est? Vnum profectò restat tantum, quod responderi rectè queat: uidelicet, filium Dei, utcunque natus sit, aliter atq; homo solet, natum esse. Alioqui quid magni haberet Dei generatio, si cõprehenderetur angustijs intellectus tui, qui tuam ipsius generationem uel in totum nescis, uel quãdam cognitionem eius adeò exiguã habes, ut dicere etiã sit pudor? Et tu putas adhuc te tibi per omnia cognitum, exploratũq;? Quin sudaueris satis, priusquã inueneris rationem, qua sis primũ compositus, formatus, &c. HAS ERGO NOBIS EXPEDI, ET NON ADMODVM VACABIT IN DEI GENERATIONE PHILOSOPHARI. CERTE PARVM TUTVM EST HOC GENVS QVAESTIONIBVS INDVLGERE. Nam ut maximè generationem tuam cognoscas, non tamen, ut & Dei cognoscas, continuo sequitur. Si uerò ne tuam quidem ipsius intelligendo comprehendere potes, quomodo diuinam intelligendo poteris assequi? Siquidem diuinam generationem intelligendo cõplecti, tanto est difficilius, quã tuam: quantò Deum cognoscere operosius est, quã hominem, &c. Quin potius mis-
 sos facito istos tuos fluxus, istas diuisiones,
 istas

14 VNANIMIS CONSENSVS

istas sectiones. In primis autem peruersum
disputandi studium de incorporea natura,
perinde ac de corporea: & statim aliquid di
uina generatione dignū in mentē uenerit.
Quomodo itaq; generatus est? Nam toties
eandem cātilenam non sine molestia cano.
Dei generatio silentio est colenda: & sanē
quod generatus sit, didicisse te, magnum
quiddam fuerit. Verū quomodo sit gene
ratus, nosse, ne angelis quidem ipsis, nedū
tibi, datum esse concessero. Porro si ab
isto tuo Quomodo, nisi responso accepto,
discedere non potes, respondeo, Sic gene
ratum esse, ut nouit & qui genuit Pater, &
qui genitus est Filius. Quod uerō his ex
celsus est, hoc nebula tegitur, ut ingenij
tui cæcutientes oculos facile effugiat.

11

Hilarius lib. 2. de Trinitate affirmans, Filij Dei
natiuitatem inscrutabilem esse,
inquit.

Habet igitur natiuitatis huius uterq; se
cretum. Et si quis fortē intelligētiæ suæ
imputabit generationis huius Sacramen
tum non posse se consequi, cū tamen &
pater sit absolute intelligendus, & filius:
maiore istud dolore à me audiet ignorari.
Ego nescio, non requiro, & consolabor me
tamen. Archangeli nesciunt, angeli non au
dicunt, secula non tenent, Propheta non
sensit,

PRIMITIVÆ ECCLESIAE. 11

fenfit, Apostolus non interrogavit, Filius ipse non edidit. Cesset dolor querelarum. Nam te, quisquis es qui hæc requiris, non reuoco in excelsum, non in amplitudinem tendo, non deduco in profundum. Nonne æquanimiter ignorabis creatoris natiuitatem, ignorans originem creaturæ? Hoc saltem requiro, sentis ne te genitum, &c.

Hæc si potes enarrare, &c. Audi Filium imaginem, sapientiam, uirtutem, gloriam Dei: & intellige per Prophetam clamantem Spiritum sanctum: Generationem eius, quis enarrabit? Et obiurga Dominum testantem: Nemo nouit Filium nisi Pater, neque Patrem quis nouit nisi filius, & cui uoluerit filius reuelare. Et insere te in hoc secretum: Et inter unum ingenitū Deum, & unum unigenitum Deum, arcano te inopinabilis natiuitatis immerge.

Idem & initio tertij Libri dicit: Filium Dei esse inenarrabiliter & incomprehensibiliter genitum.

12

D. Basilius in quadam oratione de his quæ in diuinitate scrutanda non sint agens,
hæc de generatione filij,
inquit.

TU uerò iactas, quod illa Deitatis cognoscantur, quæ tu tuo impudenti ore profers. Aut ex præcedentibus non intelligis mensuram

16 VNANIMIS CONSENSVS

mensuram cognitionis: Quid cognoscimus Dei? Oves meæ uocem meam audiūt, Vide quomodo cognoscitur Deus, ex eo quod nos audimus mandata ipsius, ex eo quod audientes facimus. Hæc est cognitio Dei, seruare mandata Dei. Quomodo non impertinēs curiositas de essentia Dei? Non inquisitio rerum supermundanarum, non consideratio inuisibilium? Cognoscunt me meæ, & cognosco meas oues. Sufficit tibi scire quod est pastor bonus, quod posuit animam suam pro ouibus. Hic est terminus cognitionis Dei. Quantus autem sit Deus, & quæ mensura ipsius, & qualis secundum essentiam: talia periculosa sunt interroganti, dubia uerò apud interrogatū. Silentium autem talium medela est. Meæ oues meam uocem audiūt, dixit: non, inquirūt: hoc est, non negligenter transmittunt, non contentiosi sunt. Audiuisti filium? Ne mihi MODOS GENERATIONIS proferas: neq; ipse à ME exigas: neq; sub causarum RATIONEM contrahe ea, quæ nulli causarū rationi subiacent: neq; per fissurā diuide, quod est coniunctum. Propterea anteuertens te Euangelista præmuniuit. Audisti nup̃ (scilicet in oratione, ubi dicitur, cur Filius uocetur uerbum) & sanè audis, In principio erat uerbum: ut ne filium foetum humanum putes, ex non existēte productū esse, Verbum tibi

PRIMITIVÆ ECCLESIAE. 17

tibi dixit, propter affectionis absentiam. Erat tibi dixit, propter temporis remotionem. Principiū tibi dixit, quò genitum Patri con-
necteret. Vidisti quomodo ouicula obediēs
uocem Domini audit?

14

*Chrysostomus super Mat-
thæum.*

Quid igitur ad penetranda interiora festi-
nas? Nec dum benè omnia quæ foris
sunt, considerasti. Neque enim nunc tibi ipsam
generationē Domini conor exponere, imò
uero nec cum ista narrauerō. Est enim in-
explicabilis tota, neque ulli prorsus effabilis:
& hoc tibi ante me Esaias propheta denun-
ciat. Siquidem ipsius prædicans passionem,
& plurimam pro toto orbe terrarum, pijs-
simamque curam, atque admiratus qui tum ef-
ficeretur qui factus sit, quouē descenderit, maxi-
mo sono uocis exclamauit & dixit: Gene-
rationem eius quis enarrabit? Verū nobis
non de diuina generatione nunc sermo est,
sed de hac inferiore, quæ in terra facta est,
quæque testibus celebratur innumeris. Sed su-
per ista quoque, prout accipientes sancti
Spiritus gratiam potuerimus effari, ita pro-
fecto narrabimus. Neque hanc enim per-
spicue satis explicari possibile est: quippe
cum sit etiam ipsa maximè stupefenda.

B

Nihil enim, inquit, noui amplius, quam a sancto Spiritu factum esse quod natum est. Erubescat hoc loco, & confundantur omnes qui superiorem illam generationem temeraria curiositate rimantur. Si enim istam quæ mille celebrata testibus, & ex multis est prædicata temporibus, quæ oculis inspecta, manibusq; cōtrectata est, interpretari tamen nullus potest: quem cumulum non excedūt furoris, qui ineffabilem illam generationem Dei humanis uel cogitationibus inuestigare putant, uel uocibus indicari. Non enim Gabriel archangelus, non Euangelista Matthæus, amplius huic quippiā significare potuerunt, nisi tantummodo quod esset ex Spiritu. Qualiter uero ex Spiritu, & quonam modo, horum certè nullus exposuit: neque enim erat omnino possibile.

Neque enim angustis sermonibus nostris immensæ magnitudinem possumus diuinitatis includere, cuius magnitudinis nō est finis. Namq; hominis generationem si definire contendas, tempus ostendis. Generatio autem diuina supra omnia est, latè patet, supra

PRIMITIVÆ ECCLESIAE. 19

vet. supra omnes cogitationes ascendit & sensus. Scriptum est enim, &c.

Quæro item abs te, quando aut quomodo filium putes esse generatum? Mihi enim impossibile est, generationis scire secretum. Mens deficit: uox filet, non mea tantum, sed & angelorum: supra potestates, supra angelos, supra cherubin, supra seraphim, supra omnem sensum est. Quia scriptum est: Pax autem Christi, quæ est supra omnem sensum. Si pax Christi supra omnem sensum est, quomodo non est super omnem sensum tanta generatio? Tu quoque manum ori admove, scrutari non licet superna mysteria. Licet scire quod natus sit: non licet discutere quomodo natus sit. Illud negare mihi non licet, hoc quærere metus est. Nā si Paulus ea quæ audiuit raptus in tertium cælum, ineffabilia dicit: Quomodo nos exprimere possumus paternæ generationis arcanum: quod nec sentire potuimus, nec audire? Quid te ista quæstionum tormenta delectant? Incomprehensibiliter generatur filius: impassibiliter generat pater: & tamen ex se generavit, & ante omnem intellectum generavit Deus uerus Deum uerum.

16

Cyrillus super Ioannem, cap. 1.

Si enim in principio erat, quæ mens poterit unquam ultra illud ERAT conuolare?

B 2

Aut quando illud ERAT mente ita tenebimus, ut cogitationes nostras nō antecedar. Merito igitur stupore perculsus clamat Esaias: Generationem autem eius quis enarrabit: quia sublata est à terra uita eius. Tollitur enim profectò à terra generationis unigeniti ratio, omnem enim mētem excedens, omnemq; rationem humanā superans, ineffabilis est. Quomodo igitur factū, creatumq; nonnulli asserunt: Cū mens nostra ratione ac tempore creata, omnia facile circumscribat: Generationem uerò unigeniti nullo modo comprehendere queat.

17

Idem in thesauro suo, lib. 1.

cap. 5.

Quare si quis legibus corporis incorpoream subiicit naturam, mentis suæ imbecillitatem accuset, quæ non potest incorporeæ naturæ cōuenientia intelligere. Nam si, quia ipsi æternam filij ab æterno Patre generationem intelligere nequeunt. Idcirco corporalibus incorpoream naturam legibus subiiciunt. Cur ipsum quoq; Patrem non negant: quoniam quid qualisq; natura sit, non potest quis dicere: Quare si fide, quæ super nos sunt, accipiuntur: est autē etiā super nos filij generatio (nullus enim ipsam enarrabit, ut Propheta quidam ait) fide quoq; ipsa suscipiatur: ita ut nullo modo de ipso cogitur

PRIMITIVÆ ECCLESIAE. 21

tetur, quod non erat. Id enim imbecillitas humanarum cogitationum excogitavit.

18

Item, Idem inquit: sine passione igitur ex Patre Filius effulfit, secundum ineffabilem & incomprehensibilem diuinæ generationis modum. Quod hic S. Doctor ferme centies repetit & inculcat.

19

Hieronymus super Esaïam cap. 53.

Sequitur: Generationem eius quis enarrabit? Quod dupliciter intelligitur. Aut enim de diuinitate eius accipiendum est, quod impossibile sit diuinæ natiuitatis nosse mysteria, de qua ipse loquitur in Prouerbijs: Ante omnes colles generauit me. Iuxta illud quod alibi legimus: Quis cognouit sensum Domini, aut quis cōsiliarius eius fuit? id est nullus. Aut de partu uirginis, quod difficulter possit exponi.

20

*Hieronymus super Matth. lib. 1.
cap. 1.*

Liber generationis Iesu Christi. In Esaïa legimus: Generationem eius quis enarrabit? Non ergo putemus, Euangelistam prophetæ esse contrarium: ut quod ille impossibile dixit effatu: hic narrare incipiat: quia ibi de generatione diuinitatis, hic de incarnatione est dictum.

22 VNANIMIS CONSENSVS

21

Lactantius de uera sapientia, lib. 4.

Quomodo igitur procreauit: primum nec sciri à quoquā possunt, nec narrari opera diuina: Sed tamen Sanctorum literæ docent, in quibus cautum est illum Dei filium, Dei esse Sermonem, &c.

22

Venantij expositione symboli Apostolorum.

Patrem autem cum audis, agnosce quod habeat filium ueraciter genitum: quomodo possessor dicitur, qui aliquid possidet: & Dominus, qui alicui dominetur. Deus ergo Pater secreti Sacramenti uocabulum est, cuius uerè filius est uerbum, & speculum & character, & imago uiuens Patris uiuentis, in omnibus Patris similis, eiusdem naturæ, & in diuinitate genitus, genitori per omnia coæqualis. nec quærat, quomodo genuit filium: quod & angeli nesciunt, Prophetis incognitum est. Vnde est istud dictum: Generationem eius quis enarrabit: quam secretam originē, cum proprio filio nouit ipse solus qui genuit. Nec à nobis Deus discutiedus est, sed credendus est: qui in nobis ipsis nescimus quod sapimus.

23

Bernhardi, Sermone 93.

Sicut de Christo duo sunt, unum nobis incognitum, sed generatio diuina, de qua scriptum

PRIMITIVÆ ECCLESIAE. 23

scriptum est, Generationem eius quis enarrabit? Alterum cognitum, ut generatio uel opera humana: ita etiā de Spiritu sancto, &c.

24

Eusebius lib. 5. demonstr. Evangelicæ.

DE ijs quæ ad primam Dei filij generationem pertinent, nihil sanè habeamus amplius quod dicamus aut cogitemus, quàm illud: Generationē eius quis enarrabit? Quòd si quis ulterius progrediens, eò prouehatur audaciæ, ut quæ nulla prorsus intelligentia comprehendi possunt, ea uisibilibus & corporeis exemplis asimilet, &c.

25

Ephrem lib. ad eos qui naturam filij Dei scrutari uolunt, cap. 1. pag. 122.

SI scrutari pergas substantiā medici, curiositati tubæ nullus aditus, nullus trāsitus, nullus exitus patet. Quicūq; enim eiusceuestigationis iter incedere nititur, cōtinuò uia illi omnis occluditur, & ante se nihil nisi deserta loca & inuia conspicit, nullam prorsus habentia mansionem aut requiem. Pelagus immensum atq; infinitum est, unigeniti filij diuina Natiuitas: & ignis comburens est, diuinæ naturæ inuestigatio.

26

Idem, eodem lib. & cap. pag. 125.

Infelix profecto, miser atq; impudentissimus est, qui scrutari cupit opificem suum.

24 VNANIMIS CONSENSVS

Millia millium, & ceteries millies millena millia angelorum & archangelorum, cum honore glorificat, tremantes adorant: & homines lutei, pleni peccatis, de diuinitate intrepidè differunt: Non illorum exhorrescit corpus, non contremiscit animus, sed securi & garruli de Christo Dei filio, qui pro me indigno peccatore spòte passus est, deq; ipsius utraque generatione loquuntur, nec saltem quòd in luce cæcutiant, sentiunt.

26

Athanasius in Serm. 3. contra Arianos, fol. 192.

Neq; quærendum est, cur non tale sit Dei uerbum, quale nostrum est: cùm Deus nequaquam talis sit, quales nos sumus: quomodo dictum est. Imò indecorum est quærere, quomodo ex Deo uerbum sit, aut quomodo sit Dei splendor, aut quomodo gignat Deus, & quis sit modus generationis Dei. Insani erit enim, qui talia auderet: quoniam rem ineffabilem, & propriã diuinæ naturæ, & duntaxat ipsi & filio suo cognitam, uerbis interpretari conatur. Simile est, ac si ñdem quærerent, ubi Deus, aut quomodo Deus sit, & quantus sit Pater. Sed ut talia sciscitari impium est, & eorum qui Deum ignorant: ita quoq; fas non est, ut de filij Dei natiuitate ad istum modum percunctationes facias, aut ad tuam naturam & imbecillitatem modificare studeas Deum, ac Dei sapientiam.

Damasceus

Damasceus de fide orthodoxa, cap. 2.

Quid autem sit diuina substantia, uel quo pacto ubiq; sit, & in omnibus, quomodo Deus ex Deo genitus est, aut processit, aut quomodo semetipsum exinaniuit unigenitus filius & Deus, homo factus ex uirgineis sanguinibus, alia quàm naturæ lege plasmatus, aut quomodo siccis pedibus super aquas incesit, & ignoramus, & eloqui non ualemus, &c.

Gregorius papa Rom. in 33. cap.

Iob lib. 23. cap. 11.

Pater unigenitum cōsubstantialē sibi filium genuit. Et in eodem: Verbum Pater sine tempore genuit: Et quis dignē fari quēat illam ineffabilem natiuitatem, quod de æterno natus est cōæternus: quod existens ante secula, genuit æqualem: quod gignente natus posterior non est:

Maximus Taurinensis episcopus, Homilia 1.

in natali Domini.

DVas in Christo generationes legimus, Fratres charissimi: sed in utraq; incomprehensæ diuinitatis est uirtus. Ibi enim illū ex semetipso genuit Deus, hic eum uirgo Deo cooperante concepit: ibi sine initio, hic sine exemplo. Ibi natus ut conderet uitam,

26 VNANIMIS CONSENSVS

hic factus ut tolleretur mortem. Ibi Patri natus, hic hominibus procreatus. Illa natiuitate hominem fecit, hac generatione hominem liberauit. Vtranque, fratres, generationem eius non posse narrari, sententia hac una complectitur. Illa enim est ante hominem, ista supra hominem: illa incogitabilis, ista mirabilis.

31

Idem paulò post.

ITaque non bis natus est Deus, sed ex duabus natiuitatibus, id est Dei & hominis, seipsum unigenitus Patris, atque sese hominem unum esse uoluit Deum. Generationem ergo eius quis enarrabit? Fratres, generatio Christi si narrari non potest, credi potest.

32

Marius Victorinus Afer de generatione diuina.

Modus igitur secundum ueritatem, & altior modus est, & omnibus diuiniore. Quis autem modus sit generationis, siue filietatis eius, siue iuxta significatos, siue alios modos, confiteor ego Deo, cuius hoc potentia factum est.

Leo 1.

Leo 1. in Sermone 10. in solennitatem
natiuitatis Domini.

DOmini, Saluatorisq; nostri natiuitas, nō
solum secundum deitatem de Patre, sed
etiā secundū carnem de matre, ita facultatē
humani excedit eloquiū, ut meritō ad utrūq;
referatur, quod dictum est, Generationem
eius quis enarrabit?

Testimonium Lutheri, in libro de tribus symbolis
Christianæ fidei sic inquit.

IDeo Theologi hanc natiuitatem filij, im-
manentem Natiuitatem nomināt: non ex-
cedētem ex diuinitate, sed ex solo Patre pro-
cedentem, & in diuinitate manentem. Ita &
egressū Spiritus sancti nominant imma-
nentem egressum, non procedentem ex di-
uinitate, sed ex solo Patre & filio, & manen-
tem in diuinitate.

Id uerò quomodo fiat, fide apprehenden-
dum est. Nam & ipsis angelis inscrutabile
est, quidem perpetua lætitia illud spectant.
Et quicūque ratione mysterium hoc meti-
ri & cōprehendere conati sunt, seipsos præ-
cipitarunt in exitium.

Nobis satis sit, certū discrimen personarū
fide apprehendere posse: uidelicet, Quod Pa-
ter à nullo, filius autē à Patre sit genitus, &
Spiritus sanctus à Patre & filio pcedat, &c.

Et pauld

26 VNANIMIS CONSENSVS

hic factus ut tolleret mortem. Ibi Patri natus, hic hominibus procreatus. Illa natiuitate hominem fecit, hac generatione hominem liberauit. Vtranque, fratres, generationem eius non posse narrari, sententia hac una complectitur. Illa enim est ante hominem, ista supra hominem: illa incogitabilis, ista mirabilis.

31

Idem paulò post.

ITaque non bis natus est Deus, sed ex duabus natiuitatibus, id est Dei & hominis, seipsum unigenitus Patris, atque sese hominem unum esse uoluit Deum. Generationem ergo eius quis enarrabit? Fratres, generatio Christi si narrari non potest, credi potest.

32

Marius Victorinus Afer de generatione diuina.

Modus igitur secundum ueritatem, & altior modus est, & omnibus diuiniior. Quis autem modus sit generationis, siue filietatis eius, siue iuxta significatos, siue alios modos, confiteor ego Deo, cuius hoc potentia factum est.

Leo 1.

Leo 1. in Sermone 10. in solennitatem
natiuitatis Domini.

DOmini, Saluatorisq; nostri natiuitas, nō
solum secundum deitatem de Patre, sed
etiam secundū carnem de matre, ita facultatē
humani excedit eloquiū, ut meritō ad utrūq;
referatur, quod dictum est, Generationem
eius quis enarrabit?

Testimonium Lutheri, in libro de tribus symbolis
Christianæ fidei sic inquit.

IDeo Theologi hanc natiuitatem filij, im-
manentem Natiuitatem nomināt: non ex-
cedētem ex diuinitate, sed ex solo Patre pro-
cedentem, & in diuinitate manentem. Ita &
egressum Spiritus sancti nominant imma-
nentem egressum, non procedentem ex di-
uinitate, sed ex solo Patre & filio, & manen-
tem in diuinitate.

Id uerò quomodo fiat, fide apprehenden-
dum est. Nam & ipsis angelis inscrutabile
est, quidem perpetua lætitia illud spectant.
Et quicunque ratione mysterium hoc meti-
ri & cōprehendere conati sunt, seipsos præ-
cipitarunt in exitium.

Nobis satis sit, certū discrimen personarū
fide apprehendere posse: uidelicet, Quod Pa-
ter à nullo, filius autē à Patre sit genitus, &
Spiritus sanctus à Patre & filio pcedat, &c.

Et pauld

Et paulo post.

Ista sunt discrimina personarum in Euan-
gelio nobis tradita. Si quis præterea ali-
quid amplius cogitare uolet, per me licet:
Sed non aliud certius isti inueniet. Proin-
de hæc, quàm fieri potest simplicissimè reti-
neamus, hisq; interim contenti simus, dum
eò peruenimus, ubi ista non amplius audi-
turi uel credituri, sed clarissimè conspecturi
& cognituri sumus.

Luther in der ander predig/von
der heyligen dreyfaltig-
keit.

Aber pfundich an du schendliche ver-
nunfft/wie können doch wir ellen-
den armen Menschen / darzu die wir
nicht wissen / wie vnser eygen reden/
wachen oder schlaffen zugehe / welche
nattürliche werck wir doch täglich trei-
ben vnd üben / vnnnd wollen dennoch
von Gott reden/wie es in seinem göt-
lichen wesen stehe / one Gottes wort/
allein auß vnserm eignen kopff. Ist
das nicht blindheit über alle blindheit/
das ein mensch/der nicht das geringste
werck/

werck/so er an seinem leibe täglich sie-
het/kan außsprechen/sich noch vnder-
stehet das zu wissen / das außer vnnnd
über alle vernunft ist / vnd das allein
Gott selbst kan reden / ꝛc.

37

Item paulò pöst.

Denn also helt vns die geschriffte
für / daß der Herz Christus sey
Gottes Son von ewigkeit / vnnnd des
vatters ebenbild/gleich gros/gewaltig/
weise / gerecht / das nichts im vatter ist
von gottheit/weißheit frafft vñ macht/
es ist in im auch / vnd in dem heiligen
geist/der vom vatter vnd Son außge-
het. So es nun jemand wissen will/
wie es zugehet/dem sage/es sey ein vn-
begrifflich wesen über alle Engel vnd
creatur/das man nicht meh: könne wiß-
sen/deñ vns die geschriffte anzeigt.

Falsò etiam quidam contrà citant Luthē-
rum ex Genes. i. nusquā enim ille quicquam
tale clarè affirmat: quin potius cōtrà uicinā
quandam Augustini sententiam, uocat hu-
manā cogitationē aut opinionem, quæ ta-
men

men ipsa adhuc multò tolerabilior hoc font-
nio est.

Confutatio contrariæ sententiæ.

Contra uerò dicunt quidam, Generatio-
nem Filij Dei esse rem patefactam, & ho-
minibus cognitā. & quidem fingunt, sum-
pta occasione ex initio perihermenias Ari-
stotelis, quòd Deus semet cogitans, fingat
quandam sui ideā, & ei ideæ substantiam
suā cōmunicet, eaq; imago aut idea sit filius.

Hanc suam opinionem, quia ex Scriptura
probare non possunt, ad quorundam Pa-
trum testimonia confugiunt, quibus eam
ornant. Dicunt enim, asserere eam Basi-
llum, Nazianzenum & Augustinum: quo-
rum testimonia, ab ipsis recitata, ordine ex-
pendemus.

1. Primum: Basilij uerba, quibus illi po-
tissimum innituntur, sunt hæc: Cur uerbum?

Quo ostendatur, quòd ex mente proces-
sit. Cur uerbum? Quia citra affectionem aut
passionem natus est. Cur uerbum? Quia
imago est genitoris, totum in seipso geni-
torem ostendens, nulla inde Patre dedu-
cta, & perfectus secundum seipsum exi-
stens, &c.

Hic primum attentè obseruetur, quòd ne
uerbulum quidem hic de cogitatione Pa-
tris audiatur, quomodo ille semet intuendò
ideā quādam sui, aut imaginem fingat, & illi
substanti-

substantiam communicet, &c. Res est manifesta, crucifigant alioqui & torqueant illa uerba, quoquo modo uolent. Deinde pono casum, quod tale quid expressissimè dicatur: Basilius tamen plures causas huius etymologiae recenset, non unam, diuinans quæ nam uideri possit esse commodissima: Non de una aliqua certè pronuncians, tanquam ita planè se res habeat, & non aliter, sicut isti certò affirmant, sed plures recitans, relinquit lectori opinionè quam sequi uelit.

Deniq; non proponit sibi hoc, quòd uelit generationem filij enartare: sed tantum aliquam etymologiae rationem nominis λόγος uerbi conatur diuinare. Postremò paulò post in alia oratione hunc ipsum locum citans, damnat scrutationem modì generationis filij, inquiens: Ne mihi modos generationis proferas, neq; ipse à me exigas, &c. Locus est suprà citatus. Disertè ergo se explicat, quod non uoluerit hìc modum illius generationis diuinæ exponere.

2 Secundo citant Nazianzenum, qui tamē nihil planè eis patrocinaur. Hæc enim sunt eius uerba: Filius dicitur λόγος uerbum: quia ita se habet ad Patrem, sicut uerbum ad mentem: non tantum, quia mens patiens uerbum, nihil patitur: sed etiam quia perpetuò coniunctus est Patri, & quia nobis eius uoluntatem indicat.

Hic quo-

32 VNANIMIS CONSENSVS

Hic quoque nihil penitus dicitur de generatione per cogitationem sui aut alterius: sed tantum affirmatur, ideo filium uocari Verbum, quia eodem modo se habet ad Patrem, sicut noster Sermo ad nostram mentem. Et quidem mox eam similitudinem Verbi diuini & nostri Sermonis in tribus rebus ostendit. Primum: Quia filius sine passione generetur, sicut & noster Sermo. Secundo, quia ita sit coniunctus patri. Postremo, quia ita uoluntatem eius ex ipsius sinu depromit, sicut noster sermo intima cordis nostri alijs expromit & explicat. Nihil ergo hic Nazianzenus penitus agit de generatione filij Dei per cogitationem, phantasiā, aut memoriam Patris. Quod autem nunquam Nazianzeno, ne in mentem quidem uenerit, scrutari imperuestigabilem Dei maiestatem, satis ex proluxissimo eius dicto supra citato apparet. Quod diligenter, Christiane lector, lege & expendere. Quo modo enim ipse id facere auderet, quod alijs tantopere interdicit, reprehendit ac detestatur?

3 Postremo citant Augustinum, qui etiam minus quam hic eis patrocinatur. Solent autem Augustini uerba in hunc modum citare: Mens est quasi parens, & notitia eius quasi proles. Mens enim cum se agnoscit, noticiam sui gignit, quæ est imago sui. Terminus est amor,

PRIMITIVÆ ECCLESIAE. 33

est amor, qui de ipsa mente & notitia procedit, cognoscit se, & diligit se, &c. Quod dictum affirmant esse libro 9. de Trinitate cap. 12.

Ad hoc multa uerissima simul & solidissima responderi possunt. Primum enim nusquam ista uerba ita simul posita reperiuntur, sicut hic citantur: Quod cap. 12. lib. 9. aut usquam in eo libro non sint, certum est. Deinde Augustinus plures similitudines Trinitatis diuinæ in rerum natura inuestigat. Primum in ipsa tota rerum natura: deinde in anima, in memoria, in uoluntate ac intellectu: & postremo in mente, eius cognitione ac amore. Quas tamen nequaquam uult esse Trinitatis expressas imagines aut picturas, seu ipsam diuinitatem ita planè se habere: sed esse qualescunque tantæ maiestatis delineationes, humano ingenio excogitatas ac reperitas. Quod ipsemet Lib. de Trinit. 9. præsertim in eo ipso cap. 12. & lib. 14. cap. 20. expressè fateatur. Proinde iterum atque iterum uideamus, ne, quæ ille diuinat, nos pro certo ponamus. Quod si uolunt probare ex Augustino pro certo, quod filius cogitatione gignatur, quod tamen ille ne diuinās quidē asserit: tum illud quoque asserant, quod Spiritus sanctus, tertia persona amore procedat: quoniam & hoc habet istud ipsorum male citatum dictum.

Postremo examinetur sanè iste ipse citatus

34 VNANIMIS CONSENSVS

texrus, tanquā genuinus Augustini. Quæ-
ro, an uerba Mens est quasi parēs, & notitia
eius' quasi proles, loquātur de diuina aut hu-
mana mente. Si de humana mente, quid hoc
ad sacrosanctam Trinitatem? Si de diuina, di-
co esse planè impia, & prorsus blasphemā.
Nam prima persona, quam uidentur uelle
appellari in hoc dicto mērem, non est quasi
parens, sed reuera parens: nec secunda quasi
proles, sed reuera proles, aut filius. Nihil
ergo præsidiū habere debet istud humanum
commentum, ex falsò citata Augustini sen-
tentia.

Manifestum ergo hinc est, ista Patrum te-
stimonium nihil planè patrocinari isti philo-
sophico somnio de æterna filij Dei gene-
ratione per cogitationem. Nec uerisimile
est, ulla alia usquā extare, quæ quidem alicuius
momenti sint: quādoquidē hæc sola tan-
quam primaria ac firmissima proponuntur.

Porro si rem diligentius expenderimus,
plurimæ eaq; longè grauissimæ causæ sunt,
cur ista opinio ferenda non sit: præsertim, si
pro certa proponatur, sicut ab istis simplici-
ter asseritur & defenditur.

Prima ratio.

Nihil extra uerbum Dei in Theologia do-
cendum est, ne in minimis quidem, nedū in
summis Religionis nostræ capitibus, iuxta
illud: Nihil addas, nihil adimas. Certum au-
tem est, hāc sententiam de Filij generatione
nusquam

PRIMITIVÆ ECCLESIAE. 39

nusquam in sacris literis traditam esse: cum quidem hoc tam admirabile mysteriū generationis filij haud dubiè libèter Prophete & Apostoli propius contemplati fuissent, uobisq; cōmonstrassent, si res patefacta fuisset. Quare abstineamus nos quoq; cum illis, ab hoc adiurando & arcano, atque adeò etiam ipsis Angelis & archangelis (ut Patres pronunciant) ignoto mysterio.

Secunda ratio.

Multa terra, posito hoc principio consequentur. Nam quandoquidem tam secundæ ac tertiæ personæ notitia, aut (ut isti uocant) cogitatio est substātialis, quàm primæ, cur non illarum quoque cogitationes erunt hypostasis separata, sicut isti de prima fingunt? Item, si cogitatio primæ personæ, qua semet intuetur, est hypostasis: cur non & ea, qua secundam & tertiam personā considerat? Atque ita ex hoc impio principio infinita personarum generatio (sicut & olim Valentino, alijsq;) multaq; absurda, consequentur. Quare tollatur ista innumerarum blasphemiarum errorumq; occasio.

Tertia ratio.

Hoc idem principiū, est quasi fons quidā errorum Postelli, Stenckfeldij & Osiandri. Nam Osiander clarè dicit initio suæ confessionis, quòd filius sit quædam cogitatio aut consultatio Patris. Verba eius hæc sunt,

36 VNANIMIS CONSENSVS

Gott hats von ewigkeit her bey sich beschlossen/dz er vns arme süne der nach dem fahl/durch dem gehorsam seins einigen son/vnsers lieben herzen vnd heilands Jesu Christi/damit er das Gesetz für vns vollkommenlich erfüllet/vnnd durch sein leiden vnd sterben/damit er für vnserc vnd der ganken welt sünde vollkommenlich genüg gethan hat/von der putz vñ fluch des gesetzes entledigen/vnd alle vnserc sünd vergeben/vñ das noch mehr ist/vns solchs lassen predigen/vnd so wirs glauben/vns dardurch lebendig vnd gerecht machen wolle.

Solcher ewiger rath/fursatz vnd beschluß Gottes/ist in Gott/auch ein innerlichs wort/vnd ist Gott selbst/vnd eben den Gott/der do ist mensch worden vñ ist Jesus Christus vnser herr/iso warer gott vñ mensch/dan alles wz in gott von ewigkeit ist/dz muß gott selbst sein.

Re. ergo iam ipsa apparet, istud esse initium
& velut semen multorum errorum, eoque ex
Ecclesia modis omnibus explodendum, ac penitus tollendum.

Quarta.

Quarta.

Quia ualde accedit ad Samosatēnianismum & Seruetianismum. Nam illi, teste ipsomet Philippo, senserunt & sentiunt, filium esse quandam cogitationem Patris: isti uero dicunt, cogitatione Patris generari. Quæ uicina sunt: & potest istud principium, in nostris ecclesiis confirmatum, gradum quandā facere illi errori, iam quoque in multis locis grassanti, præsertim adueniente Turco, qui Samosatenum & Seruetum sequitur.

Quinta.

Quia haud scio, an fas sit Deo tribuere cogitationē, etiamsi Scriptura, humano more loquendo, ei & cogitationem & pœnitentiam tribuit. Omnis enim cogitatio & ratiocinatio est quædā ueritatis inquisitio. Iam, Deus nō inquirat ueritatē: sed eam in promptu semper habuit, & habet. Sic dicimus: Viros ingeniosissimos & prudētissimos non diu cogitare, quia citò inuestigatam ueritatē aut conclusionem reperiunt. Videndum ergo iterum atq; iterum est, ne ea Deo tribuantur per stultam philosophiam, quæ ei non propriè conueniunt.

Sexta.

Quia si uera sunt quæ isti dicunt, quod filius ex intelligēte parte nascitur, & Spiritus ex uoluntate: sequetur, illas partes in Patre quasi distinctas esse, ex quibus distinctæ personæ oriūtur; sicq; efficient Deum corporeū.

8 VNANIMIS CONSENSVS

Sequetur etiam, filiū non totius Patris imaginem esse, sed tantū intelligentis, ex qua natus est. Sed hoc est contra Scripturam.

Septima.

Quia si illa cogitatio aut notitia Patris qua semet nouit aut intuetur, quæ eius summa sapiētia est, ab eo separabitur, & dicetur esse secunda persona: relinquetur prima sine cogitatione ac notitia, atq; ita euacuabitur seu tolletur. Nam quid est persona sine propria intelligentia? Non certē cōueniet ei personæ definitio. Nam quod filius aliquādo dicitur sapientia Patris, ideo sic uocatur, quia per eum Patris sapiētia in creatione, doctrina, & redemptione, mūdo innōtuit: nō quod Pater non sit per se sapiens, filius per se sapiens, & S. spiritus. Sed dicet aliquis: Cur ergo Lutherus uiuēs hanc opinionē non reprehēdit? Respondeo: Imō ita sæpe & uehementē in scrutatores maiestatis diuinæ inuehitur, & hortatur ut cōmunib. ac in Scriptura traditis sentētijs cōtenti simus, ut uideatur studio huc respexisse, præsertim in tribus symbolis. Atq; ideo, quia non iudicauit esse uerā, nunquā ea uti uoluit, cū quidē & ipse ualde cuperet illustrare articulū Diuinitatis, ut ex eius uerbis Dauidis appareret. Sed causæ sunt plures, cur & hoc & multa alia tulit: Occupationes nimix, studiū retinendi N. in officio: & quia sæpe Philippus sic se declarabat in lectionib., tanquā id nō pro dogmate quodam

quodā Christiano assereret. Sed pro uerificali cogitatione aut opinione tantū proponeret. Audio sanè etiā hoc anno eū dixisse, Si cui hæc ratio etymologiæ nō placet, cur filius uocetur λόγος, quia sit per cogitationem genitus: ille sanè accipiat illam aliā, Quia sit persona quæ cū patribus loquuta est. Vt, si nō essent qui eū perpetuò inflammarent, aliquid fortè, præsertim si plures unanimiter eī instarent, obtineri ab eo posset. Sicut & de Euangelio olim rectè declarauit suā sententiam: nunc innumera glossæ excogitantur, & bella mouentur, tantū ne quid ille celsisse uideatur, & ut noxius error omnino uincat & palmam obtineat. Recitauī hactenus plurima euidentissima & ualidissima testimonia totius primitiue Ecclesiæ, quibus partē expressè ista ipsa philosophica primorum illorum philosophū theologorum opinio de filij Dei generatione per cogitationē dānatur, partim lōgè grauissimè & uehementissimè omnis planè scrutatio & inuestigatio diuinæ illius filij Dei natiuitatis interdicatur ac cōdemnatur. Quæ quidem etiam ipsis angelis & archangelis planè incomperta sit.

Secundò, monstraui testimonia illa trium Patrum, quæ isti citant, nihil planè pro isto ipsorum cōmento confirmando facere, eoq; frustrā & perperā ab eis citari. Postremò ostendi, multa ac tetra, absurda & errores ex illo falso principio necessariò sequi. Quod

46 VNANIMIS CONSENSVS

igitur ad me attinet, ego testor Deum. cor-
dium cognitorem, me hic nihil aliud sentire
ac monere, quàm quod ista nō reuelatæ Ma-
iestatis diuinæ scrutatio, sit multipliciter pe-
riculosa: cōq; & prohibita, & planè fugiēda.

Quod si aliqui eā omnino retinere uolūt,
retineāt sanè & doceant: sed pro incerta, pro
humano cōmento & opinione: Vt sit iuxta
Hieremiā & Paulum, ingens discrimen inter
tritum & paleam, inter humana somnia &
uerbum Dei, inter ea ubi habemus manda-
tum Dei, & ea quæ ex nostro capite, aus vñ-
serem güt duncfen, proferimus.

O detestandam hominum audaciā. Non
possumus dicere, quomodo uel culex, uel
pulex generetur: & illud ineffabile ac immē-
sum mysterium diuinæ illius generationis
remerè scrutari, & perinde ac si oculis no-
stris corā uidissemus, & contemplati esse-
mus, omnia differere, & tantum non digito
ante oculos monstrare audemus.

Dominus Iesus nos suo sancto Spiritu
regat, ne supra id quod scriptum est; sapere
conemur: sed sapiamus ad sobrie-
tatem, Amen,

FINIS.

41

ALBINI, SEV AL-
CVINI, CAROLI MAGNI
PRÆCEPTORIS, CONFESSIO
aut doctrina de Deo, com-
pendio exposita.

PAVLVS ROM. I.

Palam fit ira Dei de cælo aduersus omnem impietatem & iniustitiam hominum, qui ueritatē in iniustitia detinēt: propterea quòd id quod de Deo cognosci potest, manifestū est illis. Deus enim illis patefecit, &c. in hoc ut sint inexcusabiles: propter ea quòd cū Deum cognouerint, non ut Deū glorificauerunt, neq; grati fuerunt, sed frustrati sunt per cogitationes suas, & obtenebratum est insciēs cor eorum. Cū se crederēt esse sapientes, stulti facti sunt, immutaueruntq; gloriam immortalis Dei per imaginē, &c. Quapropter tradidit illos Deus in cupiditates cordium suorū, &c. Experientia ipsa hoc idem iam de mendaci indurato & impoenitenti Antichristi eiusq; collusorum spiritu popalam testatur. Quare fugiat à uentura ira, qui uult aut potest.

42

CONFESSIO M. FLA. ILYRICI, DE SA- cro sancta trinitate, contra Seruetia- nos & Stenckfeldianos, & alios seductores.



Dmonitus sum à quibusdam pijs ui-
ris iam sæpius, ut quoniam tum ali-
bi, tum & in primis in Polonia,
præter alios errores ac fanatismos,
etiam Samosatenianismus ac Seruetianismus pau-
latim serpit ac inualefcit, ego quoq; aliquod scri-
ptum contra publicè opponerem. In qua parte,
ac alijs puræ religionis unici nostri patrimonij
tuèdis, utinā mihi tam uires nō deessent, ac autori-
tas, quā mediocri studiū Dei beneficio nō deest.

Sed illud me semper cōsolatur, quòd, sicut Pau-
lus præcipit dari eleemosynā non de eo quod non
adeſt, sed quod adest, seu pro uiribus: ita etiam ele-
mentissimus ille pater cœlestis à nobis lucrum ac
fœnus non de ijs ingentibus donis ac summa, quā
nobis non est largitus, sed de ea quam nobis con-
credidit, in extrema die exiget. In ministro sanè
illud tantum requiritur, ut sit fidelis. Quare,
tametsi & præterita æstate breuiter in præfatio-
ne sacræ Historiæ Sulpitij Seueri, ut sibi omnes à
dogmate Seruetiano cauerent, monui: tamen &
nunc aliquid breuiter adijciam, quo & meam
fidem

fidem contra omnes seductores ac mendaces, calumniatoresq; confitear: & alios homines, ut sibi à noxijs erroribus caueant, admoneam. Est itaque deplorandum, quòd humana cæcitas tum ab innata malicia, tum à diabolo impulsæ, multa audacissime cunctis temporibus in omnibus religionis partibus lusit, præsertim autem in sacrosanctæ Trinitatis mysterijs. Nam ut taceam Cerinthum & Ebionem, qui adhuc Apostolorum tempore fuerunt, mox post eos exorti sunt Valentinus, Marcion, Basilides, Saturninus, qui audacissime de filij Dei generatione nugati sunt, Irenæo teste dicentes, λόγον esse à Deo creatore genitum ennia & enthymisi, id est cognatione: multa porro inde ac tetra extruentes. Hosce consequutus est Sabdōsatenus, qui ab eis erroris sui semina accipiens dixit, filium esse ipsam cogitationem patris, à quo porro alij & alij hæretici, præsertim Arius, errorū suorū origines hauserunt. Nostra quoq; ætate Seruetus eundem errorem, quòd fictius sit quædam cogitatio patris, instaurauit. Et nunc denuò quidam eius sectatores passim & præsertim in Polonia, eundem errorem inculcāt. Osiander quoq; periculose, imò & impiè locutus est, inquiens, filium esse illam ipsam cogitationem ac consilium patris de redemptione humani generis. Deniq; & Stenckfeldius in eandem sententiam nugatur, dicens, Patrem loqui semet,

patrem & spiritum sanctum: spiritum sanctum lo-
 qui semet, filium ac patrem. Quod ipse de qua dā
 substantiali & interna actione seu generatione
 diuinarum personarum intelligit. Item dicit, fi-
 lium esse rationem & cogitationē patris, imò &
 ipsam uitā ac uires patris, & deniq; Selbstant/
 id est, hypostasim seu personam patris. Item dicit,
 filium esse illas ipsas rede vnd predige/sermo-
 nes & conciones Christi, quas in hac uita est con-
 cionatus. Deniq; dicit non tantū humanitatē Chri-
 sti, sed & omnes eius actiones, passionēs, obedi-
 tiam ac merita, & quicquid omnino in hac uita
 egit aut passus est, iam esse factā diuinitatem aut
 diuinam substantiam. Cuiusmodi errorem, aut fu-
 rorem potius, non credo unquam quenquam fa-
 naticū, aut etiā obsessum oblateralisse. Vide lib. de
 uerbo, fol. 130. & 136. Tales errores passim spar-
 guntur. Cōtra hasce blasphemias, quō ego quoq;
 communi doctrinæ nostrarum ecclesiarū sincere
 adherens, uel breuiter meam fidem confiterer, uō
 lui hanc D. Martini confessiunculam, ex peruetu-
 stis exemplaribus descriptam, licet subobscuram,
 & Albini inclyti romanorum Imperatoris Ca-
 roli Magni præceptoris, in publicū edere. Præ-
 ter hasce uerò ueterum confessiones, quas etiam
 meas esse uolo, præsertim eam quæ Albini est, cō-
 fiteor, ac corā Deo eiusq; ecclesia sanctē affirmo,
 me, quod ad doctrinam de unitate diuinæ essentie
 & tri-

C O N F E S S I O .

Ex trinitate personarum, patris, filij & spiritus sancti attinet, sequi communem sententiam nostrarum Ecclesiarum, quæ semper idem à Christo fideliter in ecclesiæ idem puraq; retenta est. Confiteor item me credere, esse unum uerum ac uiuentem Deum, & tres diuinitatis personas: patrē, qui ab æterno filium sibi coessentialē, æqualem, & omnipotentem genuit: filium ab æterno à patre genitum. splendorem, characterem, & uiuam ac consubstantialē imaginem patris, & spiritum sanctum, à patre & filio æqualiter procedentem.

Omnes tres personas confiteor esse cōsubstantiales, coæternas, & æqualis omnipotentiae, unum unicum uerū, uiuentem ac omnipotentem Deum creatorē cœli & terræ, omniumq; uisibilium & inuisibilium creaturarum. Et quia nunc periculum ecclesiæ potissimum à Seruetianis est, qui hypostasim filij negant, confiteor filium Dei Ioannis primo capite ita describi, ut primū uocetur λόγος, sermo aut uerbum, ac simul diuina eius natura describatur, quod sit persona seu hypostasis diuinitatis à patre diuersa seu distincta. Postea eius opus creationis, quod per ipsum omnia facta sunt, quæ sunt facta. Tertio, eius opus saluationis, quod in ipso erat lux ac uita hominum.

Quarto, eiusdem incarnatio, cum λόγος seu uerbum caro factum, uerus homo simul ac uerus Deus in una persona & duabus naturis non cō-

mixtis, nec distractis, sed coniunctis existens, nostram redemptionem ac salutem per suam exinanitionem, obedientiam, passionem ac mortem peregit. Hæc est uera ac salutaris Christi ecclesie ac simul M B A de unitate diuinitatis & personarum trinitate fides et sententia, quantumuis contra uarij hæretici, præsertim nunc Seruetiani, & nõ obscure Stenckfeldiani, alijq; mendaces ac seductorijs spiritus garriant, nugenturq;. Quorum impuris mendacijs & corruptelis, si quis fidem adhibet, suamet sponte suoq; malo errat ac seducitur. Taceo mendaces epistolas. Quare ego cum diuo Irenæo, uetustissimo scriptore, uolo concludere, qui contra hæreticos suæ ætatis de filij per cogitationem generatione blaterantes, sic inquit. Et propheta quidem de filio ait, Generationem eius quis enarrabit? Vos autem generationem eius ex patre diuinantes, et uerbi hominis per linguam factam prolationem transferentes in uerbum Dei, iuste detegimini à uobis ipsis, quòd neq; humana nec diuina noueritis. Irrationabiliter autem inflati, audacter inenarrabilia Dei mysteria scire uos dicitis. Quàdoquidem & Dominus ipse filius Dei ipsum iudicij diem & horam concessit scire solum patrem, manifestè dicens, De die autem illa & hora nemo scit, neq; filius, nisi pater solus. Si igitur scientiam dei illius filius non erubuit referre ad Patrem, sed dixit quod uerum est: neq; nos erube-

erubescimus, quæ sunt in questionibus maiora secundum nos, seruare Deo. Nemo enim supra magistrum est. Si quis itaq; nobis dixerit, Quomodo ergo filius à patre prolatus est? Dicimus ei, quia prolationem istam, siue generationem, siue nuncupationem, siue adaptionem, aut quomodolibet quis nomine uocauerit generationem eius inenarrabilem existentem, nemo nouit, non Valentinus, non Marcion, neq; Saturninus, neq; Basilides, neq; Angeli, neq; Archangeli, nec principes, neq; potestates, nisi solus qui generauit pater, & qui natus est filius. Inenarrabilis itaq; generatio eius cum sit, quicumq; nititur generationes & prolationes enarrare, non sunt compotes sui, ea quæ inenarrabilia sunt, enarrare promittentes.

Hæc Irenæus, contra hæreticos suorum temporum: qui, cum ignorarent quomodo uel culex uel pulex generetur, de filij Dei generatione per enniam & enthymisim multa audacter blaterabant.

Sic & præclarum Christi organon Lutherus, piæ memoriæ, in Postilla maiori, super euangelium Dominicæ Trinitatis, nos grauissimè monens, ut parcè ac sobriè de sacrosancto ineffabilis Trinitatis mysterio philosophemur, nec quicquam (sicut & Paulus præcipit) supra id quod scriptum est, sapiamus, inquit.

Aber psuydich du schendliche hûre /
(ich meine vnser vernunfft) Können wir
doch

doch nicht wissen was wir seindt. Kein
Mensch ist je auff erden komen/der eigen-
tlich hette können sagen/wie es doch zuge-
he/das ein mensch mit seinen augen leben/
vnd mit dem munde reden vnd lachen sol/
vñ wollen dennoch so freuentlich vnd vera-
messen sein/das wir von Gott vnd seinem
Göttliche weien/one alle hüff aus eignem
kopff reden vnd disputieren wollen. Ist
aber dz nicht ein torheit vber a le torheit?
Ich kan des nicht vrsach anzeigen noch
sagen/was sehen oder lachen sey/ vnd vn-
derstehe mich doch zu wissen/ vñ von dem
zuredē/dauō ich gāz nichts weis/vñ allein
aus Gottes wort dauon reden müs. Noch
belt die Welt solches für eine grosse kunst.

*Hiscē igitur grauissimis admonitionibus, & ue-
luti oraculis Irenæi ac Lutheri præmoniti, adhe-
reamus simplici & usitatæ doctrinæ de diuinæ es-
sentiæ unitate, personarumq; eius trinitate, ac il-
larum inter se discrimine: eamq; ex animo sequa-
mur, nec nos mendacijs seductorum impuro ore
quiduis blaterantiū, & sinceritatē Euangelij capi
leuontōn seu adulterantiū, præsertim autē Serue-
tianiōrū, decipi, aliud ue persuaderi patiamur, si-
cut arundines quouis uento (ut scriptura inquit)
huc atq; illuc agitatæ. Dominus Iesus istis men-
dacib. suæ puræ doctrinæ corruptorib. impura ora
obstruat, nosq; in sua ueritate cōseruet, Amen.*

De mendacibus epistolis alias
plenius ac clarius.

DOCTRINA ALBINI DE DEO.

Satis benignè suscipio, quicūq; est, de huiusmodi
Erebus interrogātis deuotionē. Sed magis laudo
 hæc prædicantis instantiā : quia parū prodest di-
 scendi deuotio, sine docendi studio, iuxta sententiā
 Salomonis: *Thesaurus inuisus & sapientia abscon-
 dita, quæ utilitas in utrisq;?* Quocirca tota debet
 esse cura bene intelligendi in docendo, ne frustra
 laboret in discendo. Quia, sicut in Propheta legi-
 tur, qui multos erudiunt, sicut firmamentū in per-
 petuū fulgebunt claritate. **Q**uæstio. Quomodo
 Deus uere sit unitas, & uere trinitas? **R**esponsio:
 Vnitas in substātia, trinitas in personis. **Q**. Quid
 sit propriū uniuscuiusq; personæ in sancta trini-
 tate? **R**. Propriū est patris, quòd solus est pater:
 & quòd ab alio non est, nisi à se. Proprium filij,
 quòd à patre genitus est, solus à solo, coæternus et
 cōsubstantialis genitori. Propriū est spiritus san-
 cti, quòd nec ingenus, nec genitus est, sed à patre
 & filio æqualiter procedens. **Q**. Quare Spi-
 ritus sanctus ingenus uel genitus dici non debet?
R. Quia si ingenus diceretur, sicut pater, duos
 patres: si genitus, duo filij æstimari possent in san-
 cta Trinitate. **Q**. Vtrum solus pater, aut solus
 filius, aut solus spiritus sanctus per se plenus Deus
 & perfectus dici debet? **R**. Vtiq; pater per se est
 plenus Deus. Similiter & filius plenus Deus, si so-
 lus nominetur. Et spiritus sanctus Deus plenus cre-

ditur. Q. Si unaquæq; persona per se Deus plerumque dici potest, quare non tres Deos dicimus, patrem & filium & spiritum sanctum. R. Quia una substantia est pater, filius, & spiritus sanctus: non tres substantiæ. proinde unitas substantiæ prohibet id dicere uel credere. Q. Dum tres personas dicimus, partem, & filium, & spiritum sanctum, quare non tres Deos, nec tres omnipotentes, nec tres magnos, nec tres bonos dicere fas est? R. Quia Deus & omnipotens, & magnus, et bonus & æternus, substantialia nomina sunt, & ad se dicuntur. Ideo non licet ea plurali numero dicere, sed singulari. Et omne nomen quod substantiam Dei uel essentiã significat, semper singulari numero proferendũ est. Pater uerò et Filius et spiritus sanctus, relatiua sunt nomina: & ideo tres personæ recte dicuntur. Q. Quomodo relatiua? R. Secundũ Dialecticã relatiua nomina sunt, quæ ad aliud aliquid referuntur: sicut dominus ad seruum, & seruus ad dominum: pater ad filiũ, & filius ad patrem. Prorsus cum dico patrem, filium simul significo: quia non est pater, nisi Filius cuius sit pater: item non est filius nisi pater, cui sit filius. Q. Vtrũ Spiritus sanctus relatiue uel substantialiter dicatur. R. Vtrũque relatiue: Quia spiritus alius cuius spiritus est, sed non sicut pater & filius, relationis regulæ tenentur in eo. Q. Quare æqualem non habet relationis regulam Spiritus sanctus, sicut

sicut Pater et Filius? R. Quia circumferri potest patris & filij nomen ad inuicē. ut si dicamus, pater, filij pater: et filius, patris filius. Nō ita duplex relationis circumuersio in nomine sancti Spiritus inueniri potest. Q. Qua necessitate accidit, ut

ita non circumferri possit Spiritus sancti relatio? R. Rectē dicere possumus, Spiritum sanctū patris & filij spiritū: sed conuerso ordine non possumus dicere, patrē spiritus sancti, sicut dicimus patrem filij, ne duo filij in sancta Trinitate aestimarentur. Item, non possumus dicere filium Spiritus sancti, sicut dicimus filium patris, ne duo patres in sanctæ Trinitate intelligantur. Dicimus itaque, Spiritum sanctam patris & filij, sine reciprocatione conuersionis nominum relatiuorum.

Q. Vtrum inseparabilia sint opera sanctæ Trinitatis? R. Vtique. Quicquid Deus operatur, totum sancta Trinitas inseparabiliter hæc eadem operatur opera. Quia una est sanctæ Trinitatis operatio: sicut una est substantia, essentia & uoluntas. Q. Vtrū sancta trinitas in personis separabilis, siue inseparabilis dicēda est, dū alius est pater, alius filius, alius Sp. sanctus? R. Verē alius est pater quā filius in persona, sicut filius alius est in persona quā pater, et Sp. sanctus alius est in persona quā pater & filius. Non tamē aliud ille uel ille in natura uel in deitate, aut in essentia. Nec enim patrē potest dicere, nisi filiū intelligas: nec filiū

lū dicere, nisi patrē intelligas: nec spiritū sanctū, nisi intelligas cuius spiritus sit. Quocirca omnimodis inseparabilis est sancta Trinitas, sicut in operibus, sic etiā in personis, dicenda. Q. Si ad solā patris personā pertineat qd' dicitur, qui facit mirabilia magna solus: et Apostolus, qui solus habet immortalitatē? R. Nullatenus ad solā patris pertinet personā, dū dicitur Solus Deus, siue in nouo siue in ueteri Testamento. Et qd' solus Deus, siue hoc siue illud habeat uel faciat: sed ad totā sanctā trinitatē, quæ est unus Deus omnipotēs, omnia faciens quæ sunt in cælo uel in terra. Q. Quomodo beatus Ioānes euāgelista dicit, Deū nemo uidit unquā: & ipse Dñs in alio ait loco: Beati mundo corde, quoniā ipsi Deū uidebunt: & Apostolus inuisibilē Deū dicit? R. Videri enim potest Deus, id est, intelligi secundū suæ donum gratiæ, siue ab angelis, siue ab animabus sanctorū. Plenā uerò diuinitatis naturā nec angelus quisquā, nec sanctorū aliquis perfectē intelligere poterit: ideo incōprehensibilis dicitur Deus. Q. Quod sanctis summum promittitur præmiū? R. Æterna Dei uisio.

Q. An equaliter uidebūt, uel intelligēt? R. Nullatenus equaliter oēs uel angeli, uel animæ sanctorum, Deū, uel nūc uidēt, uel post resurrectionē uidebūt: sed secundū donatoris dispensationē, & meritōrū qualitātē. Vnusquisq; tñ sufficientē in eius uisione habebit beatitudinē. Nec plus quæret quā habet:

habet: nec se minus habere, quàm uolet, dolebit.

Q. An aliquid distet in Deo esse, uiuere, intelligere, posse? R. Nullatenus aliud est in Deo esse, aliud uiuere, uel aliud intelligere, uel aliud posse.

Quia Deus eo ipso quo est uiuit, & eo quo uiuit intelligit, et eo quo intelligit pōt et eo quo potest, est. Quia simplex deitatis natura unū habet, est, uiuit, intelligit, & omnia potest. Non ita in nobis, dum aliud est in nostra natura uiuere, aliud intelligere, aliud posse. In Deo uerò hæc omnia unū atq; idē sunt.

Q. Vtrū de Dei filio, sicut dicitur lumen de lumine, Deus de Deo, potest dici omnipotēs de omnipotēte, bonus de bono, magnus de magno, & cetera talia? R. Regulariter utiq; tenere debemus, quòd omnia naturæ nomina, æqualiter de filio dici possunt, sicut de patre: quòd omnia possūt dici illud de illo. Ideo sicut dicitur Deus de Deo, lumen de lumine: Ita dicendū est, omnipotēs de omnipotēte, bonus de bono, magnus de magno, sed nō ita in relatiuis.

Q. Sed quomodo in relatiuis nominibus dicendū est? R. Nō possumus dicere uerbū de uerbo: quia relatiuū nomē est Verbū, quòd solus est filius: sicut dicimus Deum de Deo, quòd nō est solus filius. Nec imaginē de imagine, quia solus est imago: sicut dicimus lumen de lumine, quòd non est solus filius, quia substantiale nomen est lumen.

Q. Nunquid aliud lumē pater, & aliud filius? R. Nequaquam aliud, sed unū lumē est pater & filius,

filius, sicut una substantia. Ideo recte dicitur lumen
 de lumine, sicut Deus de Deo: sicut unus est pater
 & filius, ita unum lumen est. Q. Legimus Aposto-
 lum dicentem, Christum Dei esse uirtutem, & Dei sapientia.
 Hinc intelligimus, in Dei nomine patrem, & in
 Christi nomine filium, sicut semper. Nunquid pa-
 ter non habet in se sapientiam uel uirtutem, nisi in filio,
 quem Apostolus sapientiam & uirtutem Dei nomina-
 uit? R. Plurimi ita Arianam destruunt impietatem, di-
 centes ipsi, impium esse credere unquam Deum patrem
 esse sine sua sapientia, aut sine sua uirtute. Sed me-
 lius est intelligere patrem esse sapientiam & uirtutem,
 sicut filium sapientiam & uirtutem, imò & spiritum san-
 ctum sapientiam & uirtutem. Non tamen tres uirtutes,
 nec tres sapientias: quia sapientia substantiale nomen
 est, sicut uirtus: nec aliud est in Deo esse, aliud sa-
 pere, aliud posse: sed unum est in Deo esse, sapere,
 posse. Q. Vtrum ad solam sancti Spiritus personam
 pertineat, dum Apostolus dicit, Deus charitas est,
 quæ dilectio patris & filii esse legitur? R. Nul-
 latenus ita Spiritus sanctus charitas intelligitur,
 quasi non sit pater & filius charitas. sicut spiritus
 sanctus est charitas, ita & pater est charitas, & fi-
 lius est charitas: non tamen tres charitates, sed una
 charitas. Sed quia Spiritus sanctus donum Dei pro-
 prie dicitur, & nullum Dei donum charitate maius
 est, imò sine eo nullum donum ad perpetuam hominem
 deducere poterit beatitudinem: proinde Spiritus san-

flus proprie dicitur charitas. Q. Nūquid impij dona Dei habent? R. Habēt utiq; per eum qui illis miniat omnē hominem uenientē in hunc mundum: In quo sumus, mouemur & uiuimus. Bona enim sunt dona Dei, eis qui bene utūtur illis. Ideo charitas singulare est in sanctis donū, in qua filij Dei discernuntur à filiis impietatis. Q. Quare, si Deus totus ubiq; est, in cœlo dicitur magis habitare quā in terra? R. Quia maior cognitio est in sanctis angelis, animabusq; sanctorū diuinitatis, cum sint apud Deū in cœlis, quā in terris. Sicut enim in hoc mortali corpore quidā magis intelligunt diuinam substantiā, quidā minus: ita & in cœlo magis dicitur Deus esse, quā in terra, quia plenius eiusdem substantia intelligitur ab habitatoribus cœli, quā terræ incolis. Q. Si una substantia est pater & filius et Spiritus sanctus, quare solus Filius incarnatus dicitur? R. Quia alia est persona Filij, alia Patris, alia Spiritus sancti: & sola siquidem persona Filij incarnata est, operante tamen eandē incarnationem tota sancta Trinitate, cuius opera sunt inseparabilia. Q. Dum in symbolo catholico cātari solet, Dei filiū de Spiritu S. & Maria uirgine incarnatū, quare non dicitur filius spiritus sancti, sicut dicitur beata uirginis? R. Non utiq; sic de illo, sicut de illa natus est filius Dei. De illa siquidē, id est, sancta uirgine, natus est filius Dei, sicut de matre, non de illo, id est spiritu S. sicut de patre, ne duo

ne duo patres dicerentur in sancta Trinitate. Q. Si una natura est Patris & Filij, & Filius incarnatus plenus est Deus et perfectus, quomodo non pater incarnatus est? R. Filius plenus est & perfectus Deus, qui solus incarnatus est, & homo factus est. Nam ignis una est substantia: sed aliud in igne facit calor, aliud lux. Lux illuminat, calor calefacit: una tamē ignis natura utrūq; facit, & calorem & lucē.

Q. Ex qua natura dixit, Potestatem habeo ponendi animā meā? R. Omnium est, quæ in Christo gesta sunt, operū autoritas ex diuinitate: tamē carni cōuenit dicere, potestatem habeo ponēdi animā meā, nō diuinitati. Diuinitas non dimisit animā, postquam assumpsit eam in utero uirginis: Caro dimisit, dum emisit in cruce spiritum Christus.

PRECATIO M. FL. ILLYRICI.

Omnipotens æternæ Deus, qui ad hoc ūnigenitum filiū tuū in mūdū misisti, ut opera diaboli destruat: oro te per ac propter eundem mediatorē nostrū, ut primum omnes errores, corruptelas & scādala ex Ecclesia tua tollas: Deinde, piam ei pacē, & contra summū filiū tui hostem Antichristū & Turcam, concordiam misericorditer restituas: Deniq; eorum qui piam pacem ex animo non cupiūt, nefarios conatus & tetra mēdacia potēter retundas. Qui cum filio tuo ac Spiritu sancto, in unitate diuinæ maiestatis regnas, per omnia secula seculorum, Amen.

FINIS.

